

146

D . M
 VAL . ATTICO B - F
 COS . LEG . XII G
 P . FE . STIP . XXIIII
 VIXIT ANNIS XLI
 FECIT AELIA PAR
 THENIS HOSPITI
 BENEMERENTI .

At sexcentæ supersunt Inscriptiones, in quibus militum concubinæ conjuges & uxores vocantur. Quorsum istud tandem? Matrimonium inter servos &que vetitum erat, eorumque uxores contubernales appellabantur; tamen innumeræ pene sunt Inscriptiones, in quibus uxores, & conjuges dicuntur; in privatis enim hisce epitaphiis Servilia capita ambitiose ingenuas voces affectabant; nemo tamen unquam matrimonia inter servos idcirco fuisse existimat.

7. Nota Centurionatus. V. Ursat. de Not. Roman.

TERTIVS Cognominis vicem gerit in hac Inscriptione *Tertius*, prænominis in Fabrett. Inscript. Dom. Cap. I. p. 23. LEG. III CYR. Legionem Tertiam Cyrenaicā dictā passim vetusta marmora testantur.

L V.

PP. LEG III FLAV. Illud mihi doctissimum, ac in primis amicus Antonius Franciscus Gorius ignoscat velim, si de illius sententiâ in his notis interpretandis decedo. Etenim in Indice Collectionis Donianæ, quæ nobis hanc suppeditavit Inscriptionem, ita illas exponit. *Proprator Legionis III Flavie*. Ego vero quum nusquam Præpratores Legionum viderim, malim explicare *Præpositus Legionis III. Flav.* Præpositi Legionum haud infrequenter occurrunt in antiquis Inscriptionibus; ii erant, qui universæ Legioni imperabant: tali munere olim functum fuisse Hadrianum ex Spartiano animadvertis Reinesius Cl. I. 28. *Secunda*, inquit ille, *expeditio ne Dacica Trajanus cum (Hadrianum) prima Legioni Minerviae*

per-